


ADVISORY



REPEALED BY  
DIMANSUHKAN OLEH... ACT 575

**UNDANG-UNDANG  
MALAYSIA**

**Akta 271**

**AKTA BADAN PENCEGAH RASUAH 1982**

Tarikh Persetujuan Diraja 30hb April 1982

Tarikh diterbitkan dalam  
*Warta* ... .. 13hb Mei 1982

UNDANG-UNDANG MALAYSIA

Akta 271

AKTA BADAN PENCEGAH RASUAH 1982

Suatu Akta bagi menubuhkan Badan Pencegah Rasuah, bagi memberi kuasa-kuasa kepada pegawai-pegawai Badan itu dan bagi membuat peruntukan-peruntukan yang berkenaan dengannya.

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Badan Pencegah Rasuah 1982. Tajuk ringkas.

2. Dalam Akta ini, melainkan jika konteksnya menghendaki makna yang lain— Tafsiran.

“Badan” ertinya Badan Pencegah Rasuah yang ditubuhkan oleh Akta ini;

“pegawai Badan” ertinya Ketua Pengarah Badan yang dilantik di bawah seksyen 3 (2) dan mana-mana pegawai yang dilantik di bawah seksyen 4;

“undang-undang yang ditetapkan” ertinya mana-mana undang-undang bertulis yang ditetapkan oleh Menteri melalui perintah yang disiarkan dalam *Warta* yang mengenainya peruntukan-peruntukan Akta ini hendaklah dipakai.

Penubuhan  
Badan  
Pencegah  
Rasuah.  
*Akta 57.*

3. (1) Bagi maksud-maksud Akta ini, Akta Pencegah Rasuah 1961 dan mana-mana undang-undang yang ditetapkan, maka adalah dengan ini ditubuhkan Badan Pencegah Rasuah.

(2) Ketua Pengarah Badan hendaklah dilantik oleh Yang di-Pertuan Agong atas nasihat Perdana Menteri dan hendaklah memegang jawatan selama tempoh yang dinyatakan dalam suratcara perlantikannya.

Pegawai-  
pegawai  
Badan.

4. (1) Maka hendaklah dilantik beberapa orang pegawai Badan dan dari sesuatu kelas atau gred, sebagaimana yang difikirkan perlu bagi maksud menguatkuasakan peruntukan-peruntukan Akta ini.

(2) Semua pegawai Badan adalah anggota perkhidmatan awam am Persekutuan.

Kuasa-  
kuasa  
pegawai  
Badan.  
*N.M.B.  
Bab 6.*

5. (1) Ketua Pengarah Badan hendaklah mempunyai segala kuasa seseorang Timbalan Pendakwa Raya di bawah Kanun Prosedur Jenayah dan segala kuasa seseorang pegawai Badan.

*Akta 41/67.*

(2) Bagi maksud-maksud Akta ini, Akta Pencegah Rasuah 1961 dan mana-mana undang-undang yang ditetapkan, seseorang pegawai Badan hendaklah disifatkan sebagai seorang pegawai polis dan hendaklah mempunyai segala kuasa dan imuniti pegawai tersebut yang dilantik di bawah Akta Polis 1967, dan Kanun Prosedur Jenayah dan mana-mana undang-undang bertulis lain hendaklah ditafsirkan dengan sewajarnya.

*Akta 235.*

(3) Tertakluk kepada seksyen 6, seseorang pegawai Badan hendaklah mempunyai segala kuasa seseorang pegawai kastam di bawah mana-mana undang-undang yang ditetapkan seolah-olannya adalah seorang pegawai yang dilantik di bawah Akta Kastam 1967, dan Kanun Prosedur Jenayah hendaklah ditafsirkan dengan sewajarnya.

Kuasa-  
kuasa  
di bawah  
undang-  
undang  
yang  
ditetapkan.

6. (1) Menteri boleh dari semasa ke semasa melalui perintah yang disiarkan dalam *Warta* menetapkan mana-mana undang-undang bertulis yang mengenainya peruntukan-peruntukan Akta ini hendaklah dipakai.

BADAN PENCEGAH RASUAH

5

(2) Dalam sesuatu perintah yang dibuat di bawah subseksyen (1) atau dalam sesuatu perintah yang kemudiannya, Menteri boleh menyatakan bahawa seseorang pegawai Badan dari sesuatu kelas atau gred hendaklah dikira bagi maksud undang-undang itu sebagai setaraf dengan seseorang pegawai dari sesuatu kelas atau gred di bawah undang-undang yang ditetapkan itu.

7. (1) Tiap-tiap pegawai Badan apabila bertindak di bawah Akta Pencegah Rasuah 1961 atau mana-mana undang-undang yang ditetapkan hendaklah, apabila diminta, menyatakan jawatannya dan mengemukakan kepada orang yang terhadapnya ia bertindak itu atau yang daripadanya ia meminta apa-apa maklumat apa-apa kad kuasa sebagaimana yang diarahkan oleh Ketua Pengarah Badan supaya dibawa oleh pegawai itu.

Kad-kad kuasa.

(2) Maka tidaklah menjadi suatu kesalahan bagi seseorang enggan mematuhi apa-apa permintaan, kehendak atau perintah yang dibuat oleh seseorang pegawai Badan yang bertindak atau berupa sebagai bertindak di bawah mana-mana undang-undang seperti tersebut di atas jika pegawai itu enggan menyatakan jawatannya dan enggan mengemukakan kad kuasanya apabila diminta oleh orang itu.

8. Ketua Pengarah Badan boleh mengeluarkan perintah-perintah tadbir yang dipanggil "Perintah-Perintah Tetap" yang tidak bertentangan dengan peruntukan-peruntukan Akta ini bagi maksud pengawasan, latihan, tugas dan kewajipan pegawai-pegawai Badan dan bagi apa-apa perkara lain yang perlu atau bermanfaat untuk kebaikan pentadbiran Badan atau untuk mengelakkan penyalahgunaan kuasa atau kecuaiannya menjalankan tugas dan pada amnya untuk memastikan penjalanan fungsi Badan dengan cekap dan berkesan.

Perintah-Perintah Tetap.

9. Tiap-tiap pegawai Badan hendaklah, bagi maksud-maksud Akta ini, disifatkan sentiasa dalam tugas apabila dikehendaki bertindak sedemikian dan hendaklah menjalankan tugas dan kuasa yang diberi kepadanya di bawah Akta ini atau mana-mana undang-undang lain di mana-mana tempat dalam Persekutuan di mana ia mungkin menjalankan tugas itu.

Pegawai disifatkan dalam tugas.

ncegah  
yang  
Badan

k oleh  
Menteri  
h yang

orang  
gred,  
maksud  
ini.

rkhid-

nyai  
ya di  
sese-

cegah  
yang  
h di-  
aklah  
sebut  
anun  
ber-  
a.

awai  
rang  
lang  
rang  
dan  
ngan

alui  
kan  
nya  
i.

Peruntukan  
peralihan.

10. (1) Jika apa-apa sebutan dibuat dalam mana-mana undang-undang bertulis atau selainnya mengenai Biro Siasatan Negara atau, dalam bahasa Inggeris, "National Bureau of Investigation", maka sebutan itu hendaklah dari mula berkuatkuasanya Akta ini masing-masingnya ditafsirkan sebagai sebutan mengenai Badan Pencegah Rasuah atau, dalam bahasa Inggeris, "Anti-Corruption Agency".

(2) Apa-apa perbuatan yang dilakukan atau apa-apa tindakan yang diambil sebelum mula berkuatkuasanya Akta ini oleh seseorang pegawai Biro Siasatan Negara hendaklah disifatkan sebagai telah dilakukan atau diambil oleh seseorang pegawai Badan Pencegah Rasuah dan bolehlah diteruskan dengan sewajarnya oleh seseorang pegawai Badan Pencegah Rasuah.

1  
Akta 123.

(3) Apa-apa perintah yang dibuat di bawah seksyen 6 Akta Biro Siasatan Negara 1973 dan yang berkuatkuasa sebelum sahaja mula berkuatkuasanya Akta ini hendaklah, sebaik sahaja Akta ini berjalan kuatkuasa, terus berkuatkuasa dan berkesan sepenuhnya dan boleh dimansuhkan atau dipinda mengikut Akta ini.

(4) Maka adalah dengan ini ditetapkan bahawa orang yang memegang jawatan Ketua Pengarah Biro Siasatan Negara dan semua pegawai lain yang memegang jawatan dalam Biro tersebut sebelum sahaja mula berkuatkuasanya Akta ini hendaklah, masing-masingnya, sebaik sahaja Akta ini berjalan kuatkuasa, menjadi Ketua Pengarah dan pegawai-pegawai Badan.

Peman-  
suhan.  
Akta 123.

11. Akta Biro Siasatan Negara 1973 adalah dimansuhkan.